

十八家詩鈔

十八家詩鈔卷二目錄

陶淵明五古一百十四首

形影神三首

九日閒居

歸園田居五首

遊斜川

示周續之祖企謝景夷三郎

乞食

諸人共遊周家墓柏下

怨詩楚調示龐主簿鄧治中

答龐參軍

五月旦作和戴主簿

連雨獨飲

移居二首

和劉柴桑

酬劉柴桑

和郭主簿二首

於王撫軍座送客

與殷晉安別

贈羊長史

歲暮和張常侍

和胡西曹示顧賊曹

悲從弟仲德

始作鎮軍參軍經曲阿

庚子歲五月中從都還阻風於規林二首

辛丑歲七月赴假還江陵夜行塗口

癸卯歲始春懷古田舍二首

癸卯歲十二月中作與從弟敬遠

乙巳歲三月爲建威參軍使都經錢溪

還舊居

戊申歲六月中遇火

己酉歲九月九日

庚戌歲九月中於西田穫早稻

丙辰歲八月中於下潁田舍穫

責子

有會而作

蜡日

飲酒二十首

止酒

述酒

擬古九首

雜詩十二首

詠貧士七首

詠二疏

詠三良

詠荆軻

讀山海經十三首

擬挽歌辭三首

桃花源詩

謝康樂五古六十五首

述祖德詩二首

九日從宋公戲馬臺集送孔令

從遊京口北固應詔

永初三年七月十六日之郡初發都

鄰里相送至方山

過始甯墅

富春渚

七里瀨

晚出西射堂

登池上樓

遊南亭

遊赤石進帆海

登江中孤嶼

登永嘉綠嶂山詩

郡東山望溟海詩

遊嶺門山詩

石室山詩

登上戍石鼓山詩

行田登海口盤嶼山

白石巖下徑行田

齋中讀書

命學士講書

種桑詩

初去郡

田南樹園激流植援

石壁精舍還湖中作

登石門最高頂

石門新營所住四面高山迴溪石瀨茂林修竹

於南山往北山經湖中瞻眺

從斤竹澗越嶺溪行

過白岸亭詩

夜宿石門詩

南樓中望所遲客

廬陵王墓下作

還舊園作見顏范二中書

酬從弟惠連五首

登臨海嶠初發疆中作與從弟惠連可見羊何其和之四

首

初發石首城

入東道路詩

言金
卷二
道路憶山中

入彭蠡湖口

入華子岡是麻源第三谷

登歸瀨三瀑布望兩溪

初往新安桐廬口

擬魏太子鄴中集詩八首

石壁立招提精舍

過瞿溪山僧

七夕詠牛女

彭城宮中直感歲暮

會吟行

十八家詩鈔卷二目錄

善化黃維申襄校

十八家詩鈔卷二

湘鄉曾國藩纂

合肥李鴻章審訂

東湖王定安校

陶淵明五古一百十四首

形影神三首

並序

貴賤賢愚莫不營營以惜生斯甚惑焉故極陳形影之苦言神辨自然以釋之好事君子其取其心焉

形贈影

天地長不沒山川無改時草木得常理霜露榮悴之謂人最靈智獨復不如茲適見在世中奄去靡歸期奚覺無一人親識豈相思但餘平生物舉目情懷而我無騰化術必爾不復疑願君

取吾言得酒莫苟辭

影答形

存生不可言衛生每苦拙誠願游崑華邈然茲道絕與子相遇
來未嘗異悲悅憩蔭若暫乖止日終不別此同既難常黯爾俱
時滅身沒名亦盡念之五情熱立善有遺愛胡爲不自竭酒云
能消憂方此詎不劣

神釋

大鈞無私力萬理自森著人爲三才中豈不以我故與君雖異
物生而相依附結託善惡同安得不相語三皇大聖人今復在
何處彭祖愛壽一作非永年欲畱不得住老少同一死賢愚無復數

日醉或能忘將非促齡具立善常所欣誰當爲汝譽甚念傷吾
生正宜委運去縱浪大化中不喜亦不懼應盡便須盡無復獨
多慮

立善二句辨形贈影之言
立善二句辨影答形之言

九日閒居 並序

余閒居愛重九之名秋菊盈園而持醪靡由空服九華

寄懷於言

世短意常多斯人樂久生日月依辰至舉俗愛其名露淒暄風
息氣徹天象明往燕無遺影來鴈有餘聲酒能祛百慮菊解作
爲制頽齡如何蓬廬士空視時運傾塵爵恥虛曩寒華徒自榮
斂襟獨閒謠緬焉起深情棲遲固多娛淹留豈無成

時運傾指
易代之事

淹留無成騷人語也今反之謂事業則無所成於道德豈無成耶

歸園田居五首

少無適俗韻性本愛邱山誤落塵網中一去三十年羈鳥戀舊
林池魚思故淵開荒南野際守拙歸園田方宅十餘畝草
屋八九間榆柳蔭後檐一作桃李羅堂前曖曖遠人村依依墟
里煙狗吠深巷中雞鳴桑樹巔戶庭無塵雜虛室有餘閒久在
樊籠裏復得返自然識度
野外罕人事窮巷寡輪鞅白日掩荆扉虛室一作對酒絕塵想時復
墟曲中一作披草衣其來往相見無雜言但道桑麻長桑麻
日已長我土日已廣常恐霜霰至零落同草莽識度

種豆南山下。草盛豆苗稀。晨興理荒穢。帶月荷鋤歸。道狹草木長。夕露沾我衣。衣沾不足惜。但使願無違。識度○東坡云以夕露沾衣之故而違其

所願者多矣

久去山澤游。浪稔林野娛。試攜子姪輩。披榛步荒墟。徘徊邱壠

間。依依昔人居。井竈有遺處。桑竹殘朽株。一作樹木借問採薪

者。此人皆焉如。薪者向我言。死沒無復餘。一世異朝市。此語真

不虛。人生似幻化。終當歸空虛。一作無識

悵恨獨策還。崎嶇歷榛曲。山澗清且淺。可一作遇以濯吾足。漉我

新熟酒。隻雞招近屬。一作局日入空中闔。荆薪代明燭。歡來苦夕

短。已復至天旭。識度

遊斜川並序

辛丑正月五日。天氣澄和。風物間美。與二三鄰曲同遊斜川。臨長流。望曾城。魴鯉躍鱗於將夕。水鷗乘和以翻飛。彼南阜者。名實舊矣。不復乃爲嗟嘆。若夫曾城。旁無依接。獨秀中阜。遙想靈山。有愛嘉名。欣對不足。率爾賦詩。悲日月之遂往。悼吾年之不閱。各疏年紀鄉里以記其時。曰。淮南子。崑崙山有曾城。九重陶公。因目中所見。曾城句。當是斜川。有山名曾城。故愛其嘉名。與崑崙同耳。略庭芝云。曾城落星寺也。然云。獨秀中阜。則是指山寺矣。

開歲倏五十。

一作日

吾生行歸休。念之動中懷。及辰爲茲游。氣和

天惟澄。班坐依遠流。弱湍馳文魴。閑谷矯鳴鷗。迴澤散游目。緬
然睇曾邱。雖微九重秀。顧瞻無匹儔。提壺接賓侶。引滿更獻酬。
未知從今去。當復如此不。中腸縱遙情。中腸一作中觴猶大謝詩之中飲卽酒半也
忘彼千載憂。且極今朝樂。明日非所求。

示周續之祖企謝景夷三郎

時三人皆講禮校書

負病頽檐下。終日無一欣。藥石有時閒。念我意中人。相去不尋
常。言不近也道路邈何無。一作因周生述孔業。祖謝響然臻。薦補表羣士響臻
道喪向千載。今朝復斯聞。馬隊非講肄。校書亦已勤。老夫有所
愛。思與爾爲鄰。願言誨諸子。從我潁水濱。

乞食

飢來驅我去。不知竟何之。行行至斯里。叩門拙言辭。主人解余意。遺贈豈虛來。談諧終日夕。觴至輒傾杯。情欣新知歡。興言遂賦詩。感子漂母惠。愧我非韓才。銜戢知何謝。冥報以相貽。

諸人共遊周家墓柏下

今日天氣佳。清吹與鳴彈。感彼柏下人。安得不爲歡。清歌散新聲。綠酒開芳顏。未知明日事。余襟良已殫。

怨詩楚調示龐主簿鄧治中

古今樂錄載怨詩始於下利繼以班婕妤好蓋傷不見知之

意此篇之末亦傷世無知己也

天道幽且遠。鬼神茫昧然。結髮念善事。僶俛六九年。弱冠逢世阻。始室喪其偏。炎火屢焚如。螟蟻恣中田。風雨縱橫至。收斂不

盈虛。夏日抱長一作長也飢。寒夜無被眠。造夕思雞鳴。及晨願鳥還。
在己何怨天。離憂懷目前。吁嗟身後名。於我若浮煙。慷慨獨悲
歌。鍾期信爲賢。

答龐參軍有序

三復來貺。欲罷不能。自爾鄰曲。冬春再交。款然良對。忽
成舊遊。俗諺云。數面成親。舊況情過此者乎。人事好乖。
便當語離。楊公楊永也所歎。豈惟長悲。吾抱疾多年。不復
爲文本。既不豐復。老病繼之。輒依周孔。往復之義。且爲
別後相思之資。本既不豐。謂素癯瘠也。

相知何必舊。傾蓋定前言。有客賞我趣。每每顧林園。談諧無俗

調所說聖人篇或有數斟酒閒飲自歡然我實幽居士無復東西緣物新人惟舊弱毫多所宣情通萬里外形跡滯江山君其愛體素來會在何年

五月旦作和戴主簿

虛舟縱逸棹回復遂無窮

回復者去復發歲若俛仰星紀奄將

中明雨萃時物

一作南窗

北林榮且豐神淵寫時雨晨色奏景

風既來孰不去人理固有終居常待其盡曲肱豈傷冲遷化或

夷險肆志無京隆卽事如己高何必升華嵩

史記律書景風者居南方

連雨獨飲

運生會歸盡終古謂之然世間有松喬於今定何聞故老贈余

酒乃言飲得仙。試酌百情還。重觴忽忘天。天豈去此哉。任真無所先。雲鶴有奇翼。八表須臾還。自我抱茲獨。俛俛四十年。形骸久已化。心在復何言。識度

移居二首

昔欲居南村。非爲卜其宅。聞多素心人。樂與數晨夕。懷此頗有年。今日從茲役。敝廬何必廣。取足蔽牀席。鄰曲時時來。抗言談

在昔。奇交共欣賞。疑義相與析。識度

春秋多佳日。登高賦新詩。過門更相呼。有酒斟酌之。農務各自歸。閒暇輒相思。相思則披衣。起往相訪也

歸閒暇輒相思。相思則披衣。起往相訪也言笑無厭時。此理將不勝。

無爲忽去茲。衣食當須幾。一作紀力耕不吾欺。識度○此理二句言此樂不可勝無

爲舍而去之也

和劉柴桑

山澤久相招。胡事乃躊躇。直爲親舊故。未忍言索居。良辰入奇懷。挈杖還西廬。荒塗無歸人。時時見廢墟。萌茨已就治。新疇復應畚。谷風轉淒薄。春醪解飢劬。弱女雖非男。慰情良勝無。棲棲世中事。歲月共相疏。耕織稱其用。過此奚所須。去去百年外。身名同驛如。

酬劉柴桑

窮居寡人用。時忘四運周。空門一作庭多落葉。慨然已知秋。新葵鬱北牖。嘉穠眷一作南。今我不爲樂。知有來歲不。命室攜童

弱。良日登遠遊。

和郭主簿二首

靄靄堂前林。中夏貯清陰。凱風因時來。回飈開我襟。息交近開

臥。坐起弄書琴。

一作息交遊。業臥起弄書琴。

園蔬有餘滋。舊穀猶儲今。營已

良有極。過足非所欽。春秫作美酒。酒熟吾自斟。弱子戲我側。學

語未成音。此事真復樂。聊用忘華簪。遙遙望白雲。懷古一何深。

和澤周三春。清涼素華一作華。

一作秋節露凝無游氛。天高風景澈。陵岑

聳逸峯。遙瞻皆奇絕。芳菊開林耀。青松冠巖列。懷此貞秀姿。卓

爲霜下傑。銜觴念幽人。千載撫爾訣。檢素不獲展。厭厭竟良月。

於王撫軍座送客

王弘爲撫軍將軍。江州刺史庾登之爲西陽太守。時被徵還京。謝瞻爲豫章太

守時將赴郡王撫軍於濫

浦能之或邀陶公預宴

秋日淒且厲百卉具已彫爰以履霜節登高饒將歸寒氣冒山
澤游雲候無依洲渚思緬邈風水互乖違瞻夕欣良讌離言聿
云悲晨鳥暮來還懸車斂餘輝淮南子日至悲逝一作止判殊
路旋駕悵遲遲目送回舟遠情隨萬化遺

與殷晉安別有序○殷景仁名鐵

殷先作晉安南府長史掾因居潯陽後作太尉劉裕參軍

移家東下作此以贈

遊好非久長一遇盡殷勤信宿酬清話益復知爲親去歲家南
里薄作少時鄰負杖肆游從淹留忘宵晨語默自殊勢亦知當

乖分未謂事已及興言在茲春飄飄西來風悠悠東去雲山川
千里外言笑難爲因良才不隱世指江湖多賤貧陶公指脫有經
過便念來存故人

贈羊長史有序○羊名松齡

左軍羊長史銜使秦川作此與之

愚生三季後慨然念黃虞得知千載上政賴古人書賢聖畱餘
跡事事在中都豈忘游心目關河不可踰九域甫已一逝將理
舟輿聞君當先邁負病不獲俱路若經商山爲我少躊躇多謝
綺與角精爽今何如紫芝誰復採深色久應蕪駟馬無貴患貧
賤有交娛清謠結心曲人乖運見疏擁懷累代下言盡意不舒

識度。○劉裕破秦以後霸業已盛。王步將更故前者思游中都而九域未一。今者九域已一。而世代將改。但當從綺角游耳。駟馬不貴。憂患貧賤或多。歎。娛亦公之素志也。

歲暮和張常侍

市朝懷舊人。駟感悲泉明。旦非今日歲暮。余何言素顏斂光。潤白髮一已繁闊哉。秦穆談齊力。豈未愆向夕。長風起寒雲。沒西山。冽冽氣遂嚴。紛紛飛鳥還。民生鮮常在。矧伊愁苦纏。屢闕清醕至。無以樂當年。窮通靡攸慮。顛顛由化遷。撫己有深懷。履運增慨然。

和胡西曹示顧賊曹

蕤賓五月中。清朝起南飈。不駛亦不遲。飄飄吹我衣。重雲蔽白

日閒雨紛紛。微微流目視。西園陸陸。榮紫葵於今。甚可愛。奈何當
復一作當樂行復一作當樂。感物順及時。每恨靡所揮。悠悠待秋稼。寥落將
賒遲。逸想不可淹。猖狂獨長悲。

悲從弟仲德

銜哀過舊宅。悲淚應心零。借問爲誰悲。懷人在九冥。禮服名羣
從。恩愛若同生。門前執手時。何意爾先傾。在數竟未免。爲山不
及成。慈母沈哀疚。二肩纔數齡。雙位委空館。朝夕無哭聲。流塵
集虛坐。宿草旅前庭。階除曠遊迹。園林獨餘情。翳然乘化去。終
天不復形。遲遲將回步。惻惻悲襟一作盈。

始作鎮軍參軍經曲阿

宋武帝行鎮軍將軍陶公參其軍事

弱齡寄事外。委懷在琴書。被褐欣自得。屢空常晏如。時來苟冥

會。

謂無心遇之也。觀一荷字。明其爲適然相值。非有意就此參軍也。

婉變

一作

憩通衢。投策命

晨裝。暫與田園疏。眇眇孤舟逝。綿綿歸思紆。我行豈不遙。登陟

千里餘。目倦川塗異。心念山澤居。望雲慚高鳥。臨水愧游魚。真

想初在襟。誰謂形蹟拘。聊且憑化遷。終返班生廬。

識度

庚子歲五月中從都還阻風於規林二首

行行循歸路。計日望舊居。一欣侍溫顏。再喜見友于。鼓棹路崎
曲。指景限西隅。江山豈不險。歸子念前途。凱風負我心。戢棹守
窮湖。高莽眇無界。夏木獨森疏。誰言客舟遠。近瞻百里餘。延目
識南樞。空歎將焉如。

自古歎行役。我今始知之。山川一何曠。巽坎難與期。巽風也。坎水也。巽順也。坎險也。或曰。崩浪聒天響。長風無息時。人游戀所生。如何淹在茲。靜念園林好。人間良可辭。當年詎有幾。縱心復何疑。

辛丑歲七月赴假還江陵夜行塗口

閒居三十載。遂與塵事冥。詩書敦宿好。林園無俗情。如何舍此去。遙遙至南荆。叩枻新秋月。臨流別友生。涼風起將夕。景湛虛明昭。昭天宇闊。晶晶川上平。懷役不遑寐。中宵尚孤征。商歌非吾事。淮南子曰。博戚商歌。車下桓公慨然而悟。許慎曰。審戚衛人節齊桓公與霸無因自達。將車自往。商秋聲也。依依在耦耕。投冠旋舊墟。不爲好爵榮。養真衡茅下。庶以善自名。

癸卯歲始春懷古田舍二首

在昔聞南畝。當年竟未踐。屢空既有人。春興豈自免。夙晨裝吾

駕。啟塗情已緬。鳥弄歡新節。冷風送餘善。一作鳥弄新節。寒竹

一作草被荒蹊。地爲旱。一作幽人遠。是以植杖翁。悠然不復返。卽理

愧通識。所保詎乃成。一作淺。

先師有遺訓。憂道不憂貧。瞻望邈難逮。轉欲志長勤。秉耒歡時

務。解顏勸農人。平疇交遠風。良苗亦懷新。雖未量歲功。卽事多

所欣。耕種有時息。行者無問津。日入相與歸。壺漿勞近鄰。長吟

掩柴門。聊爲隴畝民。

癸卯歲十二月中作與從弟敬遠

寢迹衡門下。邈與世相絕。顧盼莫誰知。荆扉晝常閉。必結淒淒
歲暮風騷騷。經夕一作月雪。傾耳無希聲。在目皓已潔。勁氣侵襟
袖。簞瓢謝屐設。蕭索空宇中。了無一可悅。歷覽千載書。時時見
邈烈。高操非所攀。一作深得固窮節。平津苟不由。棲遲詎爲拙。
寄意一言外。茲契誰能別。平津二句言苟不慕公孫宏之丞相
封侯則栖遲山林亦未爲拙也不由

謂不由其道也

乙巳歲三月爲建威參軍使都經錢溪

我不踐斯境。歲月好已積。晨夕看山川。事事悉如昔。微雨洗高
林。清飈矯雲翮。眷彼品物存。義風都未隔。伊余何爲者。勉勵從
茲役。一形似有制。一字似素襟不可易。園田日夢想。安得久離

析終懷在歸一作舟諒哉宜一作負霜柏趙泉山曰此詩大旨慶遇先帝光復大業不失

還舊居

南康志近城五里地名上京亦有淵明故居

疇昔家上京一作六十載去還歸今日始復來。惻愴多所悲。阡陌不移舊。邑屋或時非。履歷周故居。隣老罕復遺。步步尋往迹。有處特依依。流幻百年中。寒暑日相推。常恐大化盡。氣力不及衰。撥置且莫念。一觴聊可揮。

戊申歲六月中遇火

草廬寄窮巷。甘以辭華軒。正夏長風急。林室頓燒燼。一宅無遺宇。舫舟蔭門前。迢迢新秋夕。亭亭月將圓。果菜始復生。驚鳥尚

未還中宵竚遙念一盼周九天總髮抱孤介一作奄出四十年
形迹憑化往靈府長獨閒貞剛自有質玉石乃非堅仰想東戶
時餘糧宿中田鼓腹無所思朝起暮歸眠既已不遇茲且遂灌
我園

己酉歲九月九日

靡靡秋已夕淒淒風露交蔓草不復榮園木空自彫清氣澄餘
滓杳然天界高哀蟬無畱一作歸響叢一作燕鴈鳴雲霄萬化相尋
繹人生豈不勞從古皆有沒念之中心焦何以稱我情濁酒且
自陶千載非所知聊以永今朝

庚戌歲九月中於西田穫早稻

人生歸有道衣食固其端孰是都不營而以求自安開春理常業歲功聊可觀晨出肆微勤日入負耒還山中饒霜露風氣亦先寒田家豈不苦弗獲辭此難四體誠乃疲庶無異患干盥濯息檐下斗酒散襟_{一作}顏遙遙沮溺心千載乃相關但願長如此躬耕非所歎_{識度}

丙辰歲八月中於下潁田舍穫

貧居依

_{事一作}

稼穡戮力東林隈不言春作苦常恐負所懷司田

眷有秋寄聲與我諧飢者歡初飽束帶候鳴雞揚楫越平湖汎

隨清壑迴鬱鬱荒山裏猿聲聞且哀悲風愛靜夜

_{一作夜}

林鳥喜

晨開曰余作此來三四星火頽姿年逝已老其事未云乖遙謝

荷篠翁聊得從君栖

責子

舒儼宣侯雍份端佚通修凡五人舒宣雍端通皆小名

白髮被兩鬢肌膚不復實雖有五男兒總不好紙筆阿舒已二
八懶惰故無匹阿宣行志學而不愛文術雍端年十三不識六
與七通子垂九齡但覓梨與栗天運苟如此且進杯中物識度

有會而作

並序

舊穀旣沒新穀未登頗爲老農而值年災日月尙悠爲
患未已登歲之功旣不可希朝夕所資煙火裁通旬日
已來始念飢乏歲云夕矣慨然永懷今我不述後生何
聞哉

弱年逢家乏。老至更長飢。菽麥實所羨。孰敢慕甘肥。怒如亞九
飯。當暑厭寒衣。歲月將欲暮。如何辛苦悲。常善粥者心。深恨蒙
袂非。嗟來何足吝。徒沒空自遺。斯濫豈彼志。固窮夙所歸。餒也
已矣夫。在昔余多師。

蜡日

風雪送餘暉。無妨時已和。梅柳夾門植。一條有佳花。我唱爾言
得。酒中適何多。未能明多少。章山有奇歌。

飲酒二十首

有序

余閒居寡歡。兼比夜已長。偶有名酒。無夕不飲。顧影獨
盡。忽焉復醉。既醉之後。輒題數句自娛。紙墨遂多。辭無

詮次聊命故人書之以爲歡笑爾

衰榮無定在彼此更其之邵生瓜田中甯似東陵時寒暑有代謝人道每如茲達人解其會趣一作逝將不復疑忽與一觴酒日

夕歡相一作持度識

積善云有報夷叔在一作飢西山善惡苟不應何事空立言九十

行帶索飢寒況當年不賴固窮節百世當誰傳榮啟期事見列子至於九十猶

不免行而帶索則自少壯至老當年之飢寒不可勝述矣

道喪向千載人人惜其情有酒不肯飲但願世間名所以貴我身豈不在一生一生復能幾倏如流電驚鼎鼎百年內持此欲

何成

棲棲失羣鳥。日暮猶獨飛。徘徊無定止。夜夜聲轉悲。厲響思清

晨。遠去何所依。一作厲響思清。遠法來何依依。因值孤生松。斂翮遙來歸。勁風

無榮木。此蔭獨不衰。託身已得所。千載不相違。識度○趙泉山曰此詩譏切殷

景仁顏延年輩附麗於宋

結廬在人境。而無車馬喧。問君何能爾。心遠地自偏。採菊東籬

下。悠然見南山。山氣日夕佳。飛鳥相與還。此中有真意。欲辯已

忘言。識度○此首文選錄入雜詩中

行止千萬端。誰知非與是。是非苟相形。雷同共響毀。三季多此

事。達士似不爾。咄咄俗中愚。且當從黃綺。湯東澗曰此篇言季世出處不齊士皆以

乘時自奮為賢吾知從黃綺而已

秋菊有佳色。裛露掇其英。汎此忘憂物。遠我遺世情。一觴雖獨

進。杯盡壺自傾。

識度○此首文選錄入雜詩中

日入羣動息。歸鳥趨林鳴。嘯傲東軒下。聊復得

青松在東園。眾草沒其姿。凝霜殄異類。卓然見高枝。連林人不

覺。獨樹眾乃奇。提壺挂寒柯。遠望時復爲。吾生夢幻間。何事繼

塵羈。

識度

清晨聞叩門。倒裳往自開。問子爲誰歟。田父有好懷。壺漿遠見

候。疑我與時乖。縑縷茆檐下。未足爲高棲。一世皆尙同。願君汨

其泥。深感父老言。稟氣寡所諧。紆轡誠可學。違已詎非迷。且其

識度

歡此飲。吾駕不可回。

在昔曾遠遊直去東海隅道路迴且長風波阻

一作起

中途此行

誰使然似為飢所驅傾身營一飽少許便有餘恐此非名計息

駕歸閒居

識度○趙泉山曰此篇述其為貧而仕

顏生稱為仁榮公歸有道屢空不獲年長飢至於老雖畱身後

名一生亦枯槁死去何所知稱心固為好客

一作各

養千金軀臨

化消其寶裸葬何必惡人當解意表

識度○歸猶稱也論語天

詩眾工歸我妍稱其妍也此歸字與上句稱字對舉互見

長公曾一仕

長公張

壯節忽失時杜門不復出終身與世辭仲

理歸大澤

仲理楊

高風始在

一作如

茲一往便當已何為復狐疑

去去當奚道世俗久相欺擺落悠悠談請從余所之

有客常同止。取舍邈異境。一士長獨醉。一夫終年醒。醒醉還相笑。發言各不領。規規一何愚。兀傲差若穎。寄言酣中客。日沒獨何炳。一作燭可炳。○晉宋間以同。居爲同止。兩人同居一醒淵明以醒者規。規爲愚而醉者傲。兀差穎耳。故人賞我趣。挈壺相與至。班荆坐松下。數酌已復醉。父老雜亂言。觴酌失行次。不覺知有我。安知物爲貴。悠悠迷所留。酒中有深味。

貧士乏人工。灌木荒余宅。班班有翔鳥。寂寂無行跡。宇宙何悠悠。一作悠何悠。人生少至百。歲月相從過。一作催逼。鬢邊早已白。若不委窮達。素抱深可惜。

少年罕人事。游好在六經。行行向不惑。淹留遂自無。成竟抱

窮苦節飢寒飽所更敝廬交悲風荒草沒前庭披褐守長夜晨

雞不肯鳴孟公不在茲終以翳吾情

孟公陳遵也

幽蘭生前庭含薰待清風清風脫然至見別蕭艾中行行失故

路任道或能通覺悟當念還鳥盡廢良弓

鳥盡弓藏湯東閭以為借昔人去國之語

喻已歸田之志

子雲性嗜酒家貧無由得時賴好事人載醪祛所惑觴來為之

盡是謠無不塞有時不肯言豈不在伐國仁者用其心何嘗失

顯默

識度○末句用柳下惠事蓋以揚雄柳下自比陶公與親舊亦好縱言論但不言神代事耳

曠昔苦長飢投耒去學仕將養不得節凍餒固

一作纏已是時

向立年志意多所恥遂盡介然分拂衣

一作歸田里冉冉星氣

流亭亭復一紀世路廓悠悠楊朱所以止雖無揮金事濁酒聊

可恃

彭澤之歸在義熙元年此云復一紀則賦此飲酒當是義熙十二三年間

羲農去我久舉世少復真汲汲魯中叟彌縫使其濟鳳鳥雖不
至禮樂暫得新洙泗輟微響漂流逮狂秦詩書復何罪一朝成
灰塵區區諸老翁爲事誠殷勤如何絕世下六籍無一親終日
馳車走不見所問津若復不快飲空負頭上巾但恨多謬誤君
當怨醉人

識度

止酒

居止次城邑逍遙自閑止坐止高蔭下步止華門裏好味止園
葵大懼止穉子平生不止酒止酒情無喜暮止不安寢晨止不

能起日日欲止之營衛止不理徒知止不樂未信一作止利己

始覺止為善今朝真止矣從此一止去將止扶桑淡清顏止宿

容奚止千萬祀首六句止字俱不貼酒說

述酒舊注儀狄造酒杜康潤色之○劉裕以毒酒一甞授

掩殺之國藩按湯文清公漢注述酒詩定為庾離隱語

重離照南陸鳴鳥聲相聞司馬氏出重黎之後以秋草雖未黃

融風火已分素礫晶修渚南嶽無餘雲修渚指長江即江左也

己上言晉室南渡國雖豫章抗高門重華固靈墳劉裕初封豫

宋也流淚抱中歎傾耳聽司晨因恭帝之獄故流神州獻佳

粟西靈為我馴義熙十四年羣縣人獻嘉禾西靈苗諸梁董師

旅非勝喪其身

巢公役自公勝喻裕山陽歸下國成名猶不勤

謫法不勤成名曰靈○二句以魏降漢獻為山陽

公而卒弑之喻裕廢帝為零陵王而卒弑之也

安樂不為君劉禪比恭帝平生去舊京峽口納遺薰雙陵甫云

育三趾顯奇文王子愛清吹日中辨河汾朱公練九齒間居離

世紛卜生何平生八句不甚可義義西嶺內偃息常所親天容

自永固彭殤非等倫西嶺當指恭帝所葬之地謂偃息邱山

擬古九首

榮榮窗下蘭密密堂前柳初與君別時不謂行當久出門萬里

客中道逢嘉友未言心相醉不在接杯酒蘭枯柳亦衰遂令此

言負一作時沒多謝諸少年相知不忠一作厚意氣傾人命離

隔復何有

陳沈曰淵明初辭義熙之辟亦謂時末可以仕耳豈圖大命遽傾終古永訣哉

辭家夙嚴駕

當往志無終問君今何行非商復非戎聞有田子

泰節義為士雄

斯人久已死鄉里習其風生有高世名既沒傳

無窮不學狂

一作驅馳子直在百年中田疇字子泰事劉虞虞為公孫瓚所害誓為報讐不

遂陶公蓋以隣自比

仲春遭時雨

始雷發東隅眾蟄各潛駭草木從橫一作舒翩翩

新來燕雙雙

入我廬先巢故尚在相將還舊居自從分別來門

庭日荒蕪

我心固匪石君情定何如陳沈曰舊巢尚在主人安在燕獨何心忍戀新而忘

耶舊

迢迢百尺樓分明望四荒暮作歸雲宅朝為飛鳥堂山河滿目

中平原轉

獨毛作

茫茫古時功名士。慷慨爭此場。一旦百歲後。相

與還北邙。

松柏爲人伐。高墳互低昂。顏基無遺主。遊魂在何方。

榮華誠足貴。亦復可憐傷。

識度

○陳沆曰。山河功名戰。爭憊慨謂平定燕秦之人也。

東方有一士。被服常不完。三旬九遇食。十年著一冠。辛苦無此

比。常有好容顏。我欲觀其人。晨去越河關。青松夾路生。白雲宿

檐端。知我故來意。取琴爲我彈。上絃驚別鶴。下絃操孤鸞。願畱

就君住。從今至歲寒。

識度○陳沆曰。此淵明自詠。

蒼蒼谷中樹。冬夏常如茲。年年見霜雪。誰謂不知時。厭聞世上

語。結友到臨淄。稷下多談士。指彼決吾疑。裝束既有日。已與家

人辭。行行停出門。還坐更自思。不怨道里長。但畏人我欺。萬一

不合意永爲世笑嗤

一作伊懷

難具道爲君作此詩

稷下決疑亦詹尹問

卜之類淵明不仕之志久定姑託爲訪卜稷下之辭耳

日暮天無雲春風扇微和佳人美清夜達曙酣且歌歌竟長歎

息持此感人多皎皎雲間月灼灼葉中華豈無一時好不久當

如何

識度○前六句公自詠後四句歎趨時附勢之人

少時壯且厲撫劍獨行游誰言行游近張掖至幽州飢食首陽

薇渴飲易水流不見相知人惟見古時邱路邊兩高墳伯牙與

莊周此士難再得吾行欲何求

首陽易水伯牙莊周恂公之志事可見矣

種桑長江邊三年望當採枝條始欲茂忽值山河改柯葉自摧

折根株浮滄海春蠶既無食寒衣欲誰待本不植高原今日復

何悔

識度○兩晉立國本無苞桑之固干寶論之詳矣末二句似追咎謀國者之不臧

雜詩十二首

人生無根蒂。飄如陌上塵。分散逐風轉。此已非常身。落地爲一作

成流落

兄弟。何必骨肉親。得歡當作樂。斗酒聚比鄰。盛年不重來。

一日難再晨。及時當勉勵。歲月不待人。

落地爲兄弟言隨處相逢皆兄弟也

白日淪西河。素月出東嶺。遙遙萬里輝。蕩蕩空中景。風來入房

戶。夜中枕席冷。氣變悟時易。不眠知夕永。欲言無子。和揮杯勸

孤影。日月擲人去。有志不獲騁。念此懷悲悽。終曉不能靜。

榮華難久居。盛衰不可量。昔爲三春棗。今作秋蓮房。嚴霜結野

草。枯悴未遽央。日月還復周。

一作周

我。去不再陽。眷眷往昔時。

憶此斷人腸

此篇亦感興亡之意

丈夫志四海。我願不知老。親戚共一處。子孫還相保。觴紃肆朝

日。樽中酒不燥。緩帶盡歡娛。起晚眠常早。孰替當世士。冰炭滿

懷抱。百年歸邱壟。用此空名道。

不知老句貫下六句謂自少至老祇在一邱一壑之中與親戚

子孫相聚正與四海句相反末四句謂死後縱有空名而生前冰炭滿懷已不勝其苦矣

憶我少壯時。無樂自欣豫。猛志逸四海。騫翮思遠翥。荏苒歲月

頽。此心稍已去。值歡無復娛。每多憂慮。氣力漸衰損。轉覺日

不如。壑舟無須臾。引我不得住。前途當幾許。未知止泊處。古人

惜寸陰。念此使人懼。

昔聞長者言。掩耳每不喜。奈何五十年。忽已親此事。求我盛年

歡一毫無復意去去轉欲遠此生難一作豈再值傾家持時一作作

樂竟此歲月駛有子不留金何用身後置

日月不肯遲四時相催迫寒風拂枯條落葉掩長陌弱質與運

頽玄鬢早已白素標插人頭前塗漸就窄家爲逆旅舍我如當

去客去去欲何之南山有舊宅素髮在頭若標識然前塗漸窄猶云來日漸短也

代耕本非望代耕也所業在田桑躬親未曾替寒餒常糟糠豈期

過滿腹但願飽粳糧御冬足大布麤絺以應陽政爾不能得哀

哉亦可傷人皆盡獲宜拙生失其方理也可奈何且爲陶一觴

既失其方則寒餒乃其理也

遙遙從羈役一心處兩端掩淚汎東逝順流追時遷日沒星與

昇勢翳西山巔蕭條隔天涯惆悵念常飡慷慨思南歸路遐無
由緣關梁難虧替絕音寄斯篇淵明未嘗有遠行之役似因故
國已亡譬若遠行在外無家可

歸託爲之辭後二首亦
有行役之感不甚可解

閒居執蕩志時駛不可稽驅役無停息軒裳逝東崖沈陰擬
鬱寒氣激我懷歲月有常御我來淹已彌慷慨憶綢繆此情久
已離荏苒經十載暫爲人所羈庭宇翳餘木倏忽日月虧

我行未云遠回顧慘風涼春燕應節起高飛拂塵梁邊鴈悲無
所代謝歸北鄉離鵠鳴清池涉暑經秋霜愁人難爲辭遙遙春
夜長

娟娟松標嚴婉變柔童子年始三五間喬柯何可倚一作柯條
何洋洋又

作華柯養色含津氣粲然有心理東坡和陶詩無此篇

詠貧士七首

萬族各有託孤雲獨無依曖曖空中滅何時見餘暉朝霞開宿霧眾鳥相與飛遲遲出林翮未夕復來歸一作已量力守故轍豈不寒與飢知音苟不存已矣何所悲識度○雲見而隨滅鳥守故轍早賦歸來也湯東淵曰孤雲倦翮以喻舉世皆乘風雲而已獨無攀緣飛翮之意南忍飢寒以守志節縱無知此意者亦不足悲也

淒厲歲云暮擁一作短褐曝前軒南圃無遺秀枯條盈北園傾壺絕餘瀝闕竈不見煙詩書塞座外日昃不遑研間居非陳厄竊有愠見言何以慰吾懷賴古多此賢識度

榮叟老帶索欣然方彈琴原生納決履清歌唱商一作音重華

去我久貧士世相尋敝襟不掩肘藜羹常乏斟豈忘龔輕裘苟

得非所欽賜也徒能辯乃不見吾心度識

安貧守賤者自古有黔婁好爵吾不榮厚饋吾不酬一旦壽命

盡敝服仍一作乃不周豈不知其極非道故無憂從來將千載

未復見斯儔朝與仁義生夕死復何求度識

袁安困積雪邈然不可干阮公見錢入即日棄其官芻蕘有常

溫採芣足朝飧豈不實辛苦所懼非飢寒貧富常交戰道勝無

戚一作厚顏至德冠邦閭清節映西關

仲蔚愛窮居遶宅生蒿蓬翳然絕交游賦詩頗能工舉世無知

者一作音止有一劉襲此士胡獨然實由罕所同介焉安其業所

樂非窮通人事固以拙聊得長相從莊子古之得道者窮亦樂通亦樂所樂非窮通也

昔在黃子廉彈冠佐名州一朝辭吏歸清貧略難儔年飢感仁

妻泣涕向我流丈夫雖有志固為兒女憂惠孫一晤歎腆贈竟

莫酬誰云固窮難邈哉此前修黃蓋傳云南陽太守黃子廉之後也

詠二疏湯東淵曰二疏取其歸三良與主同死荆軻為主報仇皆託古以自見云

大象轉四時功成者自去借問衰周來幾人得其趣游目漢廷

中二疏復此舉高嘯返舊居長揖儲君傳餞送傾皇朝華軒盈

道路離別情所悲餘榮何足顧事勝感行人賢哉豈常譽厭厭

閭里歡所營非近務促席延故老揮觴道平素問金終寄心清

言曉未悟。放意樂餘年。遑惜身後慮。誰云其人亡。久而道彌著。

詠三良

彈冠乘通津。但懼時我遺。服勤盡歲月。常恐功愈微。忠情謬獲
露。遂爲君所私。出則陪文輿。入必侍丹帷。箴規嚮已從。計議初
無虧。一朝長逝後。願言同此歸。厚恩固難忘。君命安可違。臨穴
固遲疑。投義志。攸希荆棘籠。高墳黃鳥聲。正悲良人不可贖。泣
然霑我衣。

詠荆軻

燕丹善養士。志在報強嬴。招集百夫良。歲暮得荆卿。君子死知
已。提劍出燕京。素驥鳴廣陌。慷慨送我行。雄髮指危冠。猛氣衝

長纓飲餞易水上。四座列羣英。漸離擊悲筑。宋意唱高聲。蕭蕭
哀風逝。淡淡寒波生。商音更流涕。羽奏壯士驚。心知去不歸。且
有後世名。登車何時顧。飛蓋入秦庭。凌厲越萬里。逶迤過千城。
圖窮事自至。豪主正怔營。惜哉劒術疏。奇功遂不成。其人雖已
沒。千載有餘情。

一作斯人久已沒千載有深情○淮南子
高漸離宋意爲擊筑而歌於易水之上

讀山海經十三首

孟夏草木長。遶屋樹扶疏。眾鳥欣有託。吾亦愛吾廬。旣耕亦已
種。時還讀我書。窮巷隔深轍。頗迴故人車。歡言酌春酒。摘我園
中蔬。微雨從東來。好風與之俱。汎覽周王傳。流觀山海圖。俯仰
終宇宙。不樂復何如。

識度○周穆天子傳者太康二
年汲縣民發古墓所獲書也

玉臺

一作堂

凌霞秀王母怡妙顏天地共俱生不知幾何年靈化

無窮已館宇非一山高酣發新謠甯效俗中言

山海經云玉山王母所居郭璞

注云王母亦有離宮別館不專住一山也。穆天子傳西王母宴穆王於瑤池之上為天子謠曰云云

迢遞槐江嶺是謂玄圃邱西南望崑墟

一作崑崙

光氣難與儔亭亭

明玕照落落清瑤流恨不及周穆託乘一來游

西山經槐江之山其上多琅玕

實惟帝之玄圃南望崑崙其光熊熊其氣魂魂爰有淫流其清洛洛瑤流即淫流也

丹木生何許迺在崑山陽黃花復朱實食之壽命長白玉凝素

夜瑾瑜發奇光豈伊君子寶見重我軒黃

崑音密山海經云崑山上多丹木黃華而

赤實丹水出焉其中多白玉是有玉膏黃帝是食是饗

翩翩三青鳥毛色奇可憐朝為王母使暮歸三危山我欲因此

鳥具向王母言。在世無所須。惟酒與長年。山海經云三青鳥主爲西王母收食又曰

三危之山三青鳥居之

逍遙蕪皋上。杳然望扶木。其柯百萬尋。森散覆暘谷。靈人侍丹

池。朝朝爲日浴。神景一登天。何幽不見燭。東山經蕪皋之山東望樽木海外東經暘

谷上有扶桑十日所浴

粲粲三珠樹。寄生赤水陰。亭亭凌風桂。八榦其成林。靈鳳撫雲

舞。神鸞調玉音。雖非世上寶。爰得王母心。山經云三珠樹生赤水

閩東八樹而成林言其大也我民之國鸞鳥自歌鳳鳥自舞

自古皆有沒。何人得靈長。不死復不老。萬歲如平常。赤泉給我

飲。眞邱足我糧。方與三辰游。壽考豈渠央。山經云不死民在交脛國東其人黑色壽

死不

夸父誕宏志乃與日競走俱至虞淵下似若無勝負神力既殊
妙傾河焉足有餘迹寄鄧林功竟在身後

精衛銜微木將以填滄海刊天舞干戚猛志故常在同物既無

慮化去不復悔徒設在昔心良晨詎可待

山經云精衛炎帝之少女名曰女娃游於

東海溺而不返常銜西山之木石以填東海刊天獸名也口中好銜干戚而舞

巨猾肆威暴欽鵠違帝旨變竄強能變祖江遂獨死明明上天

鑒爲惡不可履長枯固已劇鵠鵠豈足恃

鵠鵠當作鵠見城邑其國有放士念彼懷王世當時數來止青邱

有奇鳥自言獨見爾本爲迷者生不以喻君子

巖巖顯朝市帝者慎用才何以廢共鯨重華爲之來仲父獻誠
言姜公乃見猜臨沒告飢渴當復何及哉鯨竊帝之息壤以堙洪水帝令祝融殺之

羽邱仲父請去豎刁三子齊桓公不聽

擬挽歌辭三首

有生必有死。早軫非命促。昨暮同爲人。今旦在鬼錄。魂氣散何
之。枯形寄空木。嬌兒索父嘯。良友撫我哭。得失不復知。是非安
能覺。千秋萬歲後。誰知榮與辱。但恨在世時。飲酒不得足。
在昔無酒飲。今旦一作湛空觴。春醪生浮蟻。何時更能嘗。殽案
盈我前。親舊哭我旁。欲語口無音。欲視眼無光。昔在高堂寢。今
宿荒草鄉。一朝出門去。歸來夜未央。

荒草何茫茫。白楊亦蕭蕭。嚴霜九月中。送我出遠郊。四面無人
居。高墳正嶺巔。馬爲仰天鳴。風爲自蕭條。一作鳥爲動哀幽室
一已閉。千年不復朝。千年不復朝。賢達無奈何。向來相送人。各
自還其家。親戚或餘悲。他人亦已歌。死去何所道。託體同山阿。

桃花源詩 並記

晉太元中武陵人捕魚爲業緣溪行忘路之遠近忽逢
桃花林夾岸數百步中無雜樹芳草鮮美落英繽紛漁
人甚異之復前行欲窮其林林盡水源便得一山山有
小口髣髴若有光便捨船從口入初極狹纔通人復行
數十步豁然開朗土地平曠屋舍儼然有良田美池桑

竹之屬阡陌相通雞犬相聞其中往來種作男女衣著
悉如外人黃髮垂髫並怡然自樂見漁人乃大驚問所
從來具答之便要還家設酒殺雞作食村中聞有此人
咸來問訊自云先世避秦時亂率妻子邑人來此絕境
不復出焉遂與外人間隔問今是何世乃不知有漢無
論魏晉此人一一爲具言所聞皆歎惋餘人各復延至
家皆出酒食停數日辭去此中人語云不足爲外人道
也旣出得其船便扶一作於向路處處誌之及郡下詣太
守說如此太守卽遣人隨其往尋向所誌遂迷不復得
路南陽劉子驥高尚士也聞之欣然規往一本有游焉二字未

果尋病終後遂無問津者

嬴氏亂天紀。賢者避其世。黃綺之商山。伊人亦云逝。往迹浸復
湮。來逕遂蕪廢。相命肆農耕。日入從所憩。桑竹垂餘蔭。菽稷隨
時藝。春蠶收長絲。秋熟靡王稅。荒路曖交通。雞犬互鳴吠。俎豆
猶古法。衣裳無新製。童孺縱行歌。斑白歡游詣。草榮識節和。木
衰知風厲。雖無紀歷誌。四時自成歲。怡然有餘樂。於何勞智慧。
奇蹤隱五百。一朝敞神界。瀉薄旣異源。旋復還幽蔽。借問遊方
士。焉測塵囂外。願言躡輕風。高舉尋吾契。

謝康樂五古六十五首

述祖德詩二首

序曰太元中王父龜定淮南負荷世業尊主隆人逮賢
相徂謝君子道消拂衣藩岳考卜東山事同樂生之時

志期范蠡之舉

達人貴自我高情屬天雲兼抱濟物性而不嬰垢氛段生藩魏

國展季救魯人弦高犒暗師暗舊作晉呂氏春秋載秦三帥對

大國之地高誘注曰暗國名也仲連卻秦軍臨組乍不緤對珪甯肯分惠物辭

所賞勵志故絕人茗茗歷千載遙遙播清塵清塵竟誰嗣明哲

垂經綸明哲指祖玄也委講綴道論改服康世屯屯難既云康尊主隆

斯民律丁

中原昔喪亂喪亂豈解已崩騰永嘉末逼迫太元始永嘉懷帝年號太元

孝武年號河外無反正江介有誠圯萬邦咸震懾橫流賴君子拯溺

繇道情竊暴資神理秦趙欣來蘇燕魏遲文軌賢相謝世運遠

圖因事止高揖七州外拂衣五湖裏隨山疏濬潭傍巖藝枌梓

遺情舍塵物貞觀邱壑美工律○河外謂洛陽西晉一失不復

也賢相謂祖玄也舜分十二州東晉時有其七故曰七州

九日從宋公戲馬臺集送孔令武帝為宋公在彭城九日出項羽戲馬臺○孔靖字

季恭宋臺初建以為尚書令讓不受辭謝東歸高祖餞之曰條城賦詩

季秋邊朔苦旅鴈違霜雪淒淒陽卉腓皎皎寒潭絜潔良辰感

聖心雲旗興暮節鳴葭戾朱宮蘭后獻時哲饑宴光有孚和樂

隆所缺在宥天下理吹萬羣方悅歸客遂海隅脫冠謝朝列弭

棹薄枉渚指景待樂關河流有急瀾浮驂無緩轍豈伊川途念

宿心愧將別彼美邱園道喟焉傷薄劣

時哲歸客皆指孔令也

樂缺矣此云隆所缺謂尚有鹿鳴之意孔以養素爲榮而已以戀位爲辱故云愧將別

從遊京口北固應詔

玉璽戒誠信黃屋示崇高事爲名教用道以神理超昔聞汾水

遊今見塵外鑣鳴笳發春渚稅鑾登山椒張組眺倒景

吳都賦張組帷

搆流

列筵矚歸潮遠巖映蘭薄白日麗江皋原隰萋綠柳墟圉

散紅桃皇心美陽澤萬象咸光昭顧已枉維繫撫志慚場苗工

拙各所宜終以反林巢曾是縈舊想覽物奏長謠

玉璽黃屋二

教而立之等威也若道則有超乎二事之外者矣

永初三年七月十六日之郡初發都沈約宋書高祖永初三年五月崩少帝即

位出靈運為永嘉郡守少帝猶未改元故云永初

述職期闕暑理棹變金素秋岸澄夕陰火旻團朝露辛苦誰為

情遊子值頽暮愛似莊念昔久敬曾存故莊子夫越之流人去國中喜及期年也見似人而喜矣韓詩外傳曾子曰少而學長

而忘之一費也事君有功輕而負之二費也久友交而中絕三

也如何懷土心持此謝遠度李牧愧長袖卻克慚躡步戰國策

趙王使韓蒼數之曰王觴將軍將軍為壽裨七首當死牧曰身

大臂短不能及地故使工人為木杖以接手上若弗信請視之

左傳卻克徵會於齊頃公帷婦良時不見遺醜狀不成惡曰余

亦支離依方早有慕莊子支離者頽隱於齊肩高於頂會撮

子反子琴張或鼓琴相和而歌孔子曰彼遊方之外者也生幸休明世親蒙英達顧英達謂

歌孔子曰彼遊方之外者也生幸休明世親蒙英達顧英達謂

也空班趙氏璧徒乖魏王瓠莊子魏王貽我大瓠之種我樹之
舉剖以為瓢則瓠落而無所容非從來漸二紀始得傍歸路靈
不枵然大矣吾為其無用捨之之永嘉必塗經始甯故宅及祖父邱墓將窮山海迹永絕賞心
皆在始甯故曰傍歸路始甯今上虞也

鄰里相送至方山

祇役出皇邑相期憩甌越解纜及流潮懷舊不能發析析就衰
林皎皎明秋月含情易為盈遇物難可歇積疴謝生慮寡慾罕
所闕資此永幽棲豈伊年歲別各勉日新志音塵慰寂蔑資寡
理為幽棲之道豈止年歲之別將有終焉之志

過始甯墅

沈約宋書靈運父祖並葬始甯縣並有故宅及

西本上虞
之南鄉也

東髮懷耿介逐物遂推遷違志似如昨二紀及茲年緇磷謝清

曠疲茶慙貞堅拙疾相倚薄還得靜者便剖竹守滄海嘉守永枉

帆過舊山甯過始山行窮登頓水涉盡洄沿巖峭嶺稠疊洲縈渚

連綿白雲抱幽石綠篠媚清漣葺宇臨迴江築觀基曾巔揮手

告鄉曲三載期歸旋且爲樹枌檟無令孤願言律工

富春渚

宵濟漁浦潭旦及富春郭定山緬雲霧赤亭無淹薄迴流觸驚

急臨圻阻參錯亮乏伯昏分險過呂梁壑列子伯昏無人臨百

分垂在外揖禦寇而進禦寇伏地汗流至踵無一人曰至人上闕
青天下潛黃泉神氣不變今汝殆矣又孔子觀於呂梁懸水三

十仞流沫三十里龜
離魚鼈不能游也

存至宜便習兼山貴止託平生協幽期淪

躋困微弱久露干祿請始果遠遊諸宿心漸申寫萬事俱零落
懷抱既昭曠外物徒龍螭仲從龍螭云者聽其或屈或伸於已心了若無與也

七里瀨

羈心積秋晨晨積展遊眺孤客傷逝湍徒旅苦奔峭石淺水潺

湲日落山照曜荒林紛沃若哀禽相叫嘯遭物悼遷斥存期得

要妙物外物也

既乘上皇心

五臣作情

莊子監照下

豈屑末

代誚目覩嚴子瀨想屬仕公釣

莊子任公為大鉤巨綸五十

魚已而得大魚蒼梧以北莫不厭若魚也誰謂古今殊異代可同調

晚出西射堂

永嘉郡射堂

卷八

詩少

卷八

五古

謝靈運

三

步出西城

集作

門遙望城西岑連障疊巘嶠青翠杳深沈曉霜

楓葉丹夕鷲嵐氣陰節往感不淺感來念已深鷲雌戀舊侶迷

鳥懷故林含情尙勞愛如何離賞心

言鳥含情尙知勞愛況平人而離於賞心也

撫

鏡華緇鬢攬帶緩促衿安排徒空言幽獨賴鳴琴

登池上樓

永嘉郡池上樓

潛虬媚幽姿飛鴻響遠音薄霄愧雲浮棲川怍淵沈進德智所

拙退耕力不任徇祿反窮海臥病對空林衾枕昧節候褰開暫

窺臨傾耳聆波瀾舉目眺嶇嶽初景革緒風新陽改故陰

神農本草

日春夏爲陽池塘生春草園柳變鳴禽祁祁傷幽歌萋萋感楚

秋冬爲陰吟索居易永久離羣難處心持操豈獨古無悶徵在今

此以深潛而葆

真鴻以高飛而遠害今以
嬰俗網故有愧虬鴻也

遊南亭

永嘉郡南亭

時竟夕澄霽雲歸日西馳密林含餘清遠峯隱半規久痾昏墊
苦旅館眺郊岐澤蘭漸被徑芙蓉始發池未厭青春好已觀朱
明移戚戚感物歎星星白髮垂藥餌情所止衰疾忽在斯逝將
候秋水息景偃舊巖我志誰與亮賞心惟良知

遊赤石進帆海

永嘉安固二縣中路東
南便是赤石又枕海

首夏猶清和芳草亦未歇水宿淹晨暮陰霞屢興沒周覽倦瀛
壖况乃凌窮髮川后時安流天吳靜不發揚帆採石華掛席拾
海月溟漲無端倪虛舟有超越仲連輕齊組明海上可悅子牟眷魏

闕言雖悅海上矜名道不足適己物可忽請附任公言終然謝

天伐律工

登江中孤嶼永嘉江也

江南倦歷覽江北曠周旋懷新道轉迴尋異景不延亂流趨正絕孤嶼媚中川雲日相輝映空水共澄鮮表靈物莫賞蘊真誰爲傳想像崑山姿緬邈區中緣始信安期術得盡養生年律工

登永嘉綠嶂山詩

裹糧杖輕策懷遲上幽室行源逕轉遠距陸情未畢澹漱結寒姿團欒潤霜質澗委水屢迷林迴巖逾密眷西謂初月顧東宜落日踐一作殘夕奄昏曙蔽翳皆周悉蠱上貴不事履二美貞吉

幽人常坦步高尙邈難匹願阿竟何端寂寂寄抱一恬如旣已
交繕性自此出

郡東山望溟海詩

一作東山望海

開春獻初歲白日出悠悠蕩志將愉樂瞰海庶忘憂策馬步蘭
皋縹控息椒邱采蕙遵大薄寧若履長洲白花隔陽林紫鬱一作
翹春流非徒不弭忘覽物情彌適萱蘇始無慰寂寞終可求

遊嶺門山詩

西京誰修政龔汲稱良吏君子豈定所清塵慮不嗣早泣建德
鄉民懷虞芮意海岸常寥寥空館盈清思協以上冬月晨遊肆
所喜千圻邈不同萬嶺狀皆異威摧三山峭滌汨兩江駛威摧滌汨

皆疊韻
連綿字
魚舟豈安流
樵拾謝西芘
人生誰云樂
貴不屈所志

石室山詩

清旦索幽異
放舟越坳郊
莓莓蘭渚急
藐藐苔嶺高
石室冠林陬
飛泉發山椒
虛泛徑千載
崢嶸非一朝
鄉村絕聞見
樵蘇限風霄
微戎無遠覽
總筭羨升喬
靈域久韜隱
如與心賞交
合歡不容言
摘芳弄寒條

登上戍石鼓山詩

旅人心長久
憂憂自相接
故鄉路遙遠
川陸不可涉
汨汨莫與娛
發春託登躡
歡願既無竝
戚慮庶有協
一作怯
極目睽左闕
迴顧眺右狹
日末澗增波
雲生嶺逾疊
白芷競新苔
綠蘋齊初葉

摘芳芳靡諼愉樂樂不變佳期緬無像騁望誰云愜

行田登海口盤嶼山

羈苦孰云慰觀海藉朝風莫辨洪波極誰知大壑東依稀採菱歌
髣髴含嘖容遨遊碧沙渚遊衍丹山峯

白石巖下徑行田

小邑居易貧災年民無生知淺懼不周愛深憂在情舊業橫海
外蕪穢積頽齡饑饉不可久甘心務經營千頃帶遠堤萬里瀉
長汀洲流涓澮合連統塍埒并雖非楚宮化荒闕亦黎明雖非
鄭白渠每歲望東京天鑒儻不孤來茲驗微誠

齋中讀書

昔余遊京華。未嘗廢邱壑。矧乃歸山川。心跡雙寂寞。虛館絕諍
訟。空庭來鳥雀。臥疾豐暇豫。翰墨時間作。懷抱觀古今。寢食展
戲謔。既笑沮溺苦。又哂子雲閣。執戟亦以疲。耕稼豈云樂。萬事
難並歡。達生幸可託。律工

命學士講書

臥病同淮陽。宰邑曠武城。弦歌愧言子。清淨謝汲生。古人不可
攀。何以報恩榮。時往歲易周。聿來政無成。曾是展余心。招學講
羣經。鑠金既云刃。凝土亦能型。望爾志尙隆。遠嗣竹箭聲。敢謂
荀氏訓。且布一作有蘭陵情。待罪豈久期。禮樂俟賢明。

種桑詩

詩人陳條柯亦有美攘剔前脩爲誰故後事資紡績常佩知方
誠愧微富教益浮陽驚嘉月藝桑迨開隄疏欄發近郭長行達
廣場曠流始茲泉洒塗猶跬跡俾此將長成慰我海外役

初去郡

彭辭裁知恥貢公未遺榮

漢書王莽秉政專權彭宣上書乞骸骨又辭廣德爲御史大夫乞骸骨

固述曰廣德當宣近於知恥又貢禹爲御史大夫乞骸骨班

光祿大夫上書乞骸骨鍾會有遺榮賦或可優貪競豈足稱達

生伊余秉微尙拙訥謝浮名廬園當棲巖卑位代躬耕願已雖

自許心迹猶未并無庸方選作妨周任有疾像長卿畢娶類尙子

薄遊似邴生恭承古人意促裝返柴荆牽絲及元興解龜在景

平率絲初仕解龜去官也臧榮緒晉書曰安帝卽位改元曰元

興靈運初爲琅邪王行車參軍沈約宋書曰少帝卽位改元

日景平應璩詩不悟率朱絲三負心二十載於今廢將迎理棹

遒還期遵渚驚脩坳溯溪終水涉登嶺始山行野曠沙岸淨天

高秋月明憩石挹飛泉攀林攀落英戰勝臞者肥鑒止流歸停

韓子子夏曰吾入見先王之義則榮之出見富貴又榮之二者戰於胸臆故臞今見先王之義戰勝故肥也文子莫監於流滌而監於即是義唐化獲我擊壤情一作聲

田南樹園激流植援

樵隱俱在山繇來事不同不同非一事養病亦園中樵者在山

山老圃在園吾之養病亦在園所以中國一作屏氛一作屏氣一作屏雜清曠招

遠風卜室倚北阜啟扉面南江激澗代汲井一作屏插槿當列墉一作屏

羣木既羅戶一作屏樹眾山亦當窗靡迤趨下田一作屏迢遞瞰高峯寡欲

不期勞卽事，罕人功。雖開蔣生徑，永懷求羊蹤。賞心不可忘，妙

善冀能同。

首尾兩押同韻

石壁精舍還湖中作

昏旦變氣候，山水含清暉。清暉能娛人，遊子憺安歸。出谷日
尚早，入舟陽已微。林壑斂暝色，雲霞收夕霏。芰荷迭映蔚，蒲稗
相因依。披拂趨南逕，愉悅偃東扉。慮澹物自輕，意愜理無違。寄
言攝生客，試用此道推。

律工

登石門最高頂

晨策尋絕壁，夕息在山棲。疏峯抗高館，對嶺臨迴溪。長林羅戶
穴，一作積石擁階基。連巖覺路塞，密竹使徑迷。來人忘新術，去

子惑故蹊活活夕流駛噉噉夜猿嘒沈冥豈別理守道自不攜
心契九秋榦目翫三春蕙居常以待終處順故安排惜無同懷
客共登青雲梯

石門新營所住四面高山迴溪石瀨茂林修竹

躋險築幽居披雲臥石門苔滑誰能步葛弱豈可捫嫋嫋秋風
過萋萋春草繁美人遊不還佳期何繇敦芳塵凝瑤席清醕滿
金尊洞庭空波瀾桂枝徒攀翻結念屬霄漢孤景莫與諼俯濯
石下潭仰看條上猿早聞夕飈急晚見朝日暎巖傾光難留林
深響易奔感往慮有復理來情無存庶持乘曰車選作得以慰
營魂匪爲眾人說冀與智者論

於南山往北山經湖中瞻眺

朝旦發陽巖南景落憩陰峯北舍舟眺迴渚經湖中停策倚茂松

側逕既窈窕環舟亦玲瓏俛視喬木杪仰聆大壑濺濺與濺同

水會也石橫水分流林密蹊絕蹤解作竟何感升長皆丰容解作

用二卦名初篁包綠薜新蒲含紫茸海鷗戲春岸天雞弄和風瞻眺

撫化心無厭覽物眷彌重不惜去人遠但恨莫與同孤遊非情

歎賞廢理誰通

從斤竹澗越嶺溪行

猿鳴誠知曙谷幽光未顯巖下雲方合花上露猶泫逶迤傍隈

隩隩澗迢遞陟陁峴嶺過澗既厲急登棧亦陵緬川渚屢徑復溪

乘流翫迴轉蘋萍泛沈深。菰蒲冒清淺。企石挹飛泉。攀林摘葉
卷。想見山阿人。薜蘿若在眼。握蘭勤徒結。折麻心莫展。情用賞
爲美。事昧竟難辨。觀此遺物虛。一悟得所遣。律工

過白岸亭詩

拂衣遵沙垣。緩步入蓬屋。近澗涓密石。遠山映疏木。空翠雄
名漁釣易。爲曲援蘿聆。青巖春心自相屬。交交止栩黃。呦呦食
苹鹿。傷彼人百哀。嘉爾承筐樂。榮悴迭去來。窮通成休戚。未若
長疏散。萬事恆抱朴。

夜宿石門詩

拾遺作石
門巖上宿

朝攀苑中蘭。畏彼霜下歇。暝還雲際宿。美此石上月。鳥鳴識夜

棲木落知風發異音同至聽殊響俱清越妙物莫爲賞芳醕誰與伐美人竟不來陽阿徒晞髮

南樓中望所遲客

杳杳日西頽漫漫長路迫登樓爲誰思臨江遲來客與我別所期期在三五夕圓景早已滿佳人殊五臣作猶未適卽事怨睽攜感物方悽慼孟夏非長夜晦明如歲隔瑤華未堪折蘭若已屢摘路阻莫贈問云何未離析搔首訪行人引領冀良覲

廬陵王墓下作

宋武帝子義真爲廬陵王聰敏好文常與

徐羨之等奏廢廬陵爲庶人旋殺之因遷靈運後知無罪召還文帝問曰南來何所制作對曰過廬陵墓作一篇

曉月發雲陽落日次朱方含悽泛廣川灑淚眺連岡眷言懷君

子沈痛切中腸道消絕憤懣運開申悲涼神期恆若存德音初

不忘祖謝易永久松柏森已行延州協心許新序延陵季子聘

徐君色欲之已心許矣反則徐楚老惜蘭芳漢書龔勝楚人也

君死於是劍挂徐君墓而去楚老惜蘭芳勝卒有老父弔曰

龔以香自燒膏以明自銷解劍竟何及撫墳徒自傷平生疑若

人通蔽互相妨若人謂延州為建老也桓子新論曰漢高祖功

也理感深情慟定非識所將已上八句言向疑吳札楚老為情

識亦不能自將也將猶持也脆促良可哀天枉特兼常倍常一

隨往化滅安用空名揚舉身泣已瀝長歎不成章律工

還舊園作見顏范二中書

顏延之范泰也

辭滿豈多秩謝病不待年偶與張邴合張良邴漢也久欲還東山聖

靈昔迴眷謂宋高祖微尙不及宣謂歸隱之志何意衝飈激烈火縱

炎煙焚玉發崑峯餘燎遂見遷沈約宋書少帝卽位權在大臣

出爲永嘉太守投沙理既迫如邛廩亦猥以司馬相如自況也長與

歡愛別永絕平生緣浮舟千仞壑總轡萬尋嶺流沫不足險石

林豈爲艱閭中安可處日夜念歸旋事躋兩如直言姚不似史

也心愜三避賢言慕孫叔敖三去相之賢也託身青雲上棲巖

挹飛泉盛明盪氛昏貞休康屯邇指宋武帝殊方感成貸微物豫采

甄謂已昔感深操不固質弱易扳纏曾是反昔園語往實款然

疑當作爨基卽先築故池不更穿果木有舊行壤石無遠延雖

欲然

非休憩地聊取永日閒衛生自有經息陰謝所牽夫子照清素
投懷授往篇

酬從弟惠連

惠連有西陵遇風康樂詩見本集

寢瘳謝人徒滅迹入雲峯巖壑寓耳目歡愛隔音容永絕賞心

望長懷莫與同末路值令弟開顏披心胸

首章喜惠連之來會

心胸既云披意得咸在茲淩澗尋我室散帙問所知夕慮曉月

流朝忌曛日馳晤對

無厭歇聚散成分離

次章喜其聚而慮其離

分離別西川迴景歸東山別時悲已甚別後情更延傾想遲嘉

音果枉濟江篇辛勤

風波事款曲洲渚言

三章敘別後得其來詩

洲渚既淹時風波子

行遲務協華京想詎存空谷期猶復惠來

章祇足攬余思儼若果歸言共陶暮春時

暮春雖未交仲春善遊邀山桃發紅萼野蕨漸紫苞嚶鳴已悅

豫幽居猶鬱陶夢寐仁歸舟釋我吝與勞

登臨海嶠初發疆中作與從弟惠連可見羊何其和之作

登臨嶠與從弟惠連一首

杪秋尋遠山山遠行不近與子別山阿含酸赴脩畛中流袂就

判欲去情不忍願望脰未悵陸彥聲詩曰相思心旣勞相望汀

曲舟已隱

隱汀絕望舟驚棹逐一作驚流欲抑一生歡竝奔千里遊日落

當棲薄繫纜臨江樓豈惟夕情斂憶爾共淹留

淹留昔時歡復增今日歎茲情已分慮況乃協悲端秋泉鳴北澗哀猿響南巒戚戚新別心悽悽久念攢

攢念攻別心旦發清溪陰暝投剡中宿明登天姥岑高高入雲霓還期那可尋儻遇浮邱公長絕子微音

初發石首城

沈約宋書靈運陳疾東歸會稽太守孟顗表其有異志靈運馳往京都詣闕上表太祖知其見誣不罪也以爲臨川內史

白圭尙可磨斯言易爲緇雖抱中孚爻猶勞貝錦詩寸心若不

亮微命察如絲日月垂光景

指宋太祖

成貸遂兼茲

貸施也既貸其性命又予以官

職故曰

出宿薄京畿晨裝搏曾颺

曾颺猶層颺也搏字用莊子搏扶搖羊角字

重經

平生別再與朋知辭

前之永嘉今適臨川故曰再與朋知辭

故山日已遠風波豈

還時迢迢萬里帆茫茫終何之遊當羅浮行息必廬霍期越海
陵三山遊湘歷九嶷欽聖若旦暮懷賢亦懷其皎皎明發心不
爲歲寒欺

入東道路詩

整駕辭金門命旅惟詰朝懷居顧歸雲指塗汭行飈屬值清明
節榮華感和韶陵隰繁綠杞墟圉粲紅桃鷦鷯羣方雒纖纖麥
垂苗隱畛邑卑密緬邈江海遼滿目皆古事心賞貴所高魯連
謝千金延州權去朝行路旣經見願言寄吟謠

道路憶山中

采菱調易急江南歌不緩楚人心昔絕越客腸今斷斷絕雖殊

念俱爲歸慮款存鄉爾思積憶山我憤懣越客靈運自謂楚人指屈原存鄉句亦指

屈追尋棲息時偃臥任縱誕得性非外求自己爲誰纂已止也

莊子曰夫吹萬不同而使之自己也言情已止矣不解因何復纂也不怨秋夕長常一作苦夏日

短濯流激浮湍息陰倚密竿旦切懷故叵新歡含悲忘春暖悽

悽明月吹惻惻廣陵散殷勤訴危柱慷慨命促管

入彭蠡湖口

客遊倦水宿風潮難具論洲島驟迴合圻岸屢崩奔乘月聽哀

犬浥露馥芳蓀春晚綠野秀巖高白雲屯千念集日夜萬感盈

朝昏攀巖照石鏡牽葉入松門三江事多往九派理空存靈物

吝珍怪異人祕精魂金膏滅明光水碧綴五臣作輟流溫徒作千里

曲絃絕念彌敦

入華子岡是麻源第三谷

南州寶炎德桂樹陵寒山銅陵映碧澗石磴瀉紅泉旣枉隱淪
客亦棲肥遁賢險徑無測度天路非術阡遂登羣峯首邈若升
藝文類聚作騰雲煙羽人絕髣髴丹邱徒空筌圖牒復磨滅碑版誰聞
傳莫辨百代後安知千載前且申獨往意乘月弄潺湲恆充俄
頃用豈爲古今然

登歸瀨三瀑布望兩溪

我行乘日垂放舟候月圓沫江免風濤涉清弄漪漣積石竦兩
溪飛泉倒三山亦旣窮登陟荒藹橫目前窺巖不覩景披林豈

見天陽烏尚傾翰幽篁未爲邇退尋平常時安知巢穴難風雨
非攸悵擁志誰與宣儻有同枝條此即千年

初往新安桐廬口

絺綌雖淒其授衣尚未至感節良已深懷古亦云徒一作役思不有
千里棹孰申百代意遠協向子心遙得許生計旣及洽風善又
卽秋水駛江山共開一作曠雲日相照媚景夕羣物清對玩咸
可嘉

擬魏太子鄴中集詩八首

並序

建安末余時在鄴宮朝遊夕讌究歡愉之極天下良辰
美景賞心樂事四者難并今昆弟友朋二三諸彥共盡

之矣古來此娛書籍未見何者楚襄王時有宋玉唐景
梁孝王時有鄒枚巖馬遊者美矣而其主不文漢武帝
徐樂諸才備應對之能而雄猜多忌豈獲晤言之適不
誣方將庶必賢於今日爾歲月如流零落將盡撰文懷
人感往增愴其辭曰

魏太子

百川赴巨海眾星環北辰照灼爛霄漢遙裔起長津天地中橫
潰家王五臣作皇拯生民區宇旣蕩滌羣英必來臻忝此欽賢性絲
來常懷仁況值眾君子傾心隆日新論物靡淨說析理實敷陳
羅縷豈闕辭竊窺究天人澄觴滿金罍連榻設華茵急絃動飛

聽清歌拂梁塵莫

善作何

言相遇易此歡信可珍

律工

王粲

家本秦川貴公子孫遭亂流寓自傷情多

幽厲昔崩亂桓靈今板蕩伊洛既燎煙函嶠沒無像

五臣作象整裝

亂秦川秣馬赴楚壤

州也

沮漳自可美客心非外獎常歎詩

人言式微何繇往上宰奉皇靈

指魏武帝

侯伯咸宗長雲騎亂漢南

宛善作紀

郢皆掃盪

謂平劉表也

排霧屬盛明披雲對清朗慶泰欲重

疊公子特先賞不謂息肩願一旦值明兩竝載遊鄴京方舟泛

河廣綢繆清譙娛寂寥梁棟響既作長夜飲豈願乘日養

律工

陳琳

袁本初書記之士故述喪亂事多

皇漢逢迺適天下遭氛懸董氏渝關西袁家擁河北單民易周

章躬身就羈勒豈意事乖已永懷戀故國相公實勤主指魏武帝

能定蚤賊復覩東郡輝重見漢朝則餘生幸已多矧迺值明德

指魏文帝愛客不告疲餘譙遺景刻夜聽極星爛五臣作關朝遊窮曠黑

哀哇動梁埃急觴盪幽默且盡一日娛莫知古來惑律工

徐幹

少無宦情有箕穎之心事故仕世多素辭

伊昔家臨淄提攜弄齊瑟置酒飲膠東淹留憩高密此歡謂可

終外物始難畢搖蕩箕濮情窮年迫憂慄末塗幸休明棲集建

薄質已免負薪苦仍遊椒蘭室清論事究萬美話信非一行觴
奏悲歌永夜繫五臣作繼白日華屋非蓬居時髦豈余匹中飲顧昔
心悵焉若有失孟知之中飲而出國藩按中飲猶曰酒半也鄭
注夫官小宰中宇別之三國志周瑜傳中江舉帆兩中宇與中飲略同

劉楨

卓犖偏人而文最有氣所得頗經奇

貧居晏里閑少小長東平河充當衝要淪飄薄許京廣川無逆
流招納厠羣英北渡黎陽津南登宛善作紀郢城既覽古今事煩
得治亂情歡友相解達敷奏究平生矧荷明哲顧知深覺命輕
朝遊牛羊下暮坐括搗鳴終歲非一日傳厄弄清聲辰事旣難

諧歡願如今并唯羨肅肅翰續紛戾高冥工律○括揭鳴疑當義同時揭鳴即雞鳴謂晨也朝遊則至於夕暮坐則達於晨也

應場

汝穎之士流離世故頗有飄薄之歎

嗷嗷雲中鴈舉翮自委羽求涼弱水湄違寒長沙渚顧我梁五涼作川時緩步集穎許一旦逢世難淪薄恆羈旅天下昔未定託身早得所官渡厠一卒烏林預艱阻晚節值眾賢會同庇天宇列坐蔭華榱金樽盈清醕始奏延露曲繼以闌夕語調笑輒酬答嘲謔無慚沮傾軀無遺慮在心良已敘工律

阮瑀

管書記之任故有優渥之言

河洲多沙塵風悲黃雲起金羈相馳逐聯翩何窮已慶雲惠優
渥微薄攀多士念昔渤海時南皮戲清沚今復河曲遊鳴葭汎
蘭泥躡步陵丹梯竝坐侍君子妍談旣愉心哀音一作弄信睦耳
傾醑係芳醕酌言豈終始自從食萍來惟見今日美律工

平原侯植

公子不及世事但美遨遊然頗有憂生之嗟

朝遊登鳳閣日暮集華沼傾柯引弱枝攀條摘蕙草徒倚窮騁
望目極盡所討西顧太行山北眺邯鄲道平衢修且直白楊信
裊裊副君命飲宴謂文帝也歡娛寫懷抱良遊匪晝夜豈云晚與早

眾寶悉精妙。清辭灑蘭藻。五臣作哀音下迴鶴餘哇。徹清昊中

山不知醉飲德。方覺飽願以黃髮期養生。念將老工律

石壁立招提精舍

四城有頓蹟。三世無極已。浮歡昧眼前。沈照貫終始。壯齡緩前期。頽年迫暮齒。揮霍夢幻頃。飄忽風電起。良緣追未謝。時逝不可俟。敬擬靈鷲山。尙想祇洹軌。絕澗飛庭前。高林映窗裏。禪室棲空觀。講宇析妙理。

過瞿溪山僧

迎旭凌絕磴。映沚歸澈浦。鑽燧斷山木。掩岸瑾石戶。結架非丹甍。藉田資宿莽。同遊息心客。曖然若可覩。清霄颺浮煙。空林響

法鼓忘懷狎鷗鯢。攝生馴兕虎。望嶺眷靈鷲。延心念淨土。若乘
四等觀。永拔三界苦。

七夕詠牛女

火逝首秋節。新明弦月夕。月弦光照戶。秋首風入隙。凌峯步曾
藝文崖。憑雲肆遙服。徙倚西北庭。竦踊東南覲。紈綺無報章。河
作岑漢有駿軌。

彭城宮中直感歲暮

草草眷徂物。契契矜歲殫。楚豔起行戚。吳趨絕歸懽。修帶緩舊
裳。素鬢改朱顏。晚暮悲獨坐。鳴鴉歇春蘭。

會吟行

六引緩清唱三調仁繁音列筵皆靜寂咸共聆會吟會吟自有
初請從文命敷敷續壺冀始刊木至江汜列宿炳天文負海橫
地理連峯競千仞背流各百里滌池溉粳稻輕雲暖松杞兩京
愧佳麗三都豈能似層臺指中天高墉積崇雉飛燕躍廣途鷁
首戲清江肆呈窈窕容路曜便娟子自來彌年代賢達不可紀
句踐善廢興越叟識行止范蠡出江湖梅福入城市東方就旅
逸梁鴻去桑梓牽綴書土風辭彈意未已

樂府詩集有燕歌行二首七古各十二句 樂府詩集有燕歌行二首七古各十二句 樂府詩集有燕歌行二首七古各十二句

古一首長短句一首四言 龍西行一首四言 順東西門行

言中有泰山吟一首八句 君子有所思行二十句 悲哉

行一首二十句 緩歌行一首八句 苦寒行一首六句

豫章行一首六句 折楊柳行二首一十四句一十二句皆

上入京詩少 卷二 五古 謝靈運

選本

十八家詩鈔卷二

善化黃維申校